



# Inuit Ataqatigiit Inatsisartuni

---

Ulloq 22. august 2007

Inatsisartut Suleriaasianni § 36, imm. 1 naapertorlugu Naalakkersuisunut apeqqut imaattoq matumuuna saqqummiuppara:

**Naalakkersuisunut apeqqut: Aalisartut Aalisarnermut aningaasaliissutitut immikkoortitanut akileeataasalernissaat anguniarlugu Naalakkersuisut suliniuteqarnerat sumut killippat?**

**Qaagu naalakkersuisut Aalisarnermik inuussutissarsiortut namminneq akiliutigisinnaasaat pillugit inatsisissamik siunnersuuteqarniarpat?**

(Inatsisartunut ilaasortaq Ane Hansen, Inuit Ataqatigiit)

## **Tunngavilersuut:**

Apeqquteqaammut aallaaviuvoq Aalisarnermut aningaasaliissutitut immikkoortitat pillugit Inatsisartut inatsisissaannut oqaaseqaatini (UKA 2006/43) nalinginnaasunik naalakkersuisut imatut allammata:

*”Aalisarnermut aningaasaliissutitut immikkoortitat pillugit Aalisarnermut, Piniarnermut Nunalerinermullu Pisortaqarfik aamma KNAPK-p aamma taamanikkut APK-jusup akornanni aalarniutaasumik oqaloqatigiittarnerni aalisarnermik inuussutissarsiortut pisortat assigalugit aqqis-suussinermut aningaasaleeqataasinnaanerat oqallisigineqarnikuuvoq. Taamaalilluni tunisinermi tunisat nalingisa siulliit 0,5%-iinik akiliisarnissaq KNAPK-p akuersaarnikuuaa. Tamatumani killiliussassat pillugit isumaqatigiittoqarsinnaasimannigilaq, taamaattumik Inatsimmi Kapitali 1-imi periarfissiisoqarpoq kingusinnerusukkat tamanna pillugu malittarisassiortoqarsinnaasoq.*

*Periarfissaavoq kingusinnerusukkat inatsisiliornikkut Aalisarnermut aningaasaliissutitut immikkoortitanut inuussutissarsiortut tapeeqataasarnissaat aalajangersarneqarsinnaavoq. Taamatut taarsiisarneq tunisat aallaqqaammut nalinginik aallaaveqarsinnaavoq imaluunniit pisuussutitut erniallinissamut inuiaqatigiit aalisarnermiit kissaataannut tunngatillugu pingaarnerusutigut eqqarsaatingeqartoq tunngavigineqarsinnaalluni.*

*Aalisarnermik inuussutissarsiortut namminneq akiliutigisinnaasaat immikkut inatsimmi aalajangersarneqarsinnaapput, takuuk inatsisini tunngaviusuni § 43.”*

Inatsisartut 2006-imi 20,6 mill. kiisalu 2007-imi 21,1 mio. kr. Aalisarnermut aningaasaliissutitut immikkoortippaat.

Aalisarnermik ingerlataqartut akileeataasarnissaat anguniarlugu naalakkersuisut sulinerat pillugu Inuit Ataqatigiit paasisaqarusupput, aalisarnermik inuussutissarsiutit ineriartortittuarnissaannut aalisarnermik inuussutissarsiuteqartut peqataanissaat qulakkeerneqartariaqarmat.